



Bosnia and Herzegovina  
STATISTICAL COUNCIL OF  
BOSNIA AND HERZEGOVINA

Broj:11-07-3-40- **5** /18  
Sarajevo, 13.12.2018. godine

**ZAPISNIK**

sa 6. sjednice Vijeća za statistiku BiH

Dana 10.12.2018. godine sa početkom u 12:00 sati u prostorijama Agencije za statistiku Bosne i Hercegovine, održana je 6. sjednica Vijeća za statistiku BiH.

Sastanku su prisustvovali članovi Vijeća za statistiku BiH:

- Gospodin Velimir Jukić, direktor Agencije za statistiku BiH,**  
član Vijeća za statistiku Bosne i Hercegovine;
- Gospodin Fadil Fatić, zamjenik direktora Agencije za statistiku BiH,**  
član Vijeća za statistiku Bosne i Hercegovine;
- Gospodin Miljan Popić, zamjenik direktora Agencije za statistiku BiH,**  
član Vijeća za statistiku Bosne i Hercegovine;
- Gospodin Amir Hadžiomerađić, Centralna banka BiH,**  
član Vijeća za statistiku Bosne i Hercegovine;
- Gospodin Sahrudin Sarajčić,**  
član Vijeća za statistiku Bosne i Hercegovine;
- Gospođa Senija Fačić, rukovodilac podružnice Brčko distrikta BiH,**  
članica Vijeća za statistiku Bosne i Hercegovine;
- Gospodin Boris Raić, Ministarstvo finansija i trezora BiH,**  
član Vijeća za statistiku Bosne i Hercegovine;

**Odsutni su bili:** gosp. Emir Kremlić, direktor Federalnog zavoda za statistiku FBiH, gosp. Jasmin Komić, direktor Republičkog zavoda za statistiku RS i gđa Mira Vujeva.

**Sjednici su prisustvovali i:** gospođa Jelena Đokić (RZS), gospođa Jasna Samardžić (BHAS) i gospodin Enes Hadžiefendić (BHAS).

**Tačke dnevnog reda:**

1. Usvajanje zapisnika sa 5. sjednice
2. Prijedlog Plan rada Agencije za statistiku BiH za 2019. godinu
3. Informacija o aktivnostima na pripremi okvira uzorka za statistička istraživanja
4. Informacija o aktivnostima u vezi popisa poljoprivrede BiH
5. Informacija o stanju i implementaciji međunarodnih projekata čiji je nosilac BHAS
6. Tekuća pitanja

## **Zapisnik:**

Predsjedavajući Vijeća za statistiku BiH gosp. Sahrudin Sarajčić pozdravio je prisutne i utvrdio postojanje kvoruma. Dnevni red je usvojen sa konstatacijom da se prijedlog Federalnog zavoda za statistiku, koji je upućen mailom dana 07.12.2018.g, razmotri u okviru 6.tačke dnevnog reda : Tekuća pitanja, prilikom koje će se donijeti određeni prijedlozi i zaključci imajući u vidu činjenicu da niko od ovlaštenih predstavnika Federalnog zavoda za statistiku nije bio prisutan, te na činjenicu da nije dostavljen materijal sa pratećim obrazloženjem. Ovakav dnevni red svi prisutni na sjednici su podržali sa izuzetkom gđe Đokić.

**Ad 1.** Predloženi zapisnik sa 5. sjednice jednoglasno je usvojen od strane prisutnih članova sa primjedbom gđe Đokić koja je uvrštena.

**Ad 2.** Vezano za ispunjavanje i dinamiku realizacije Plana rada, gosp. Hadžiefendić informisao je kako teku aktivnosti po planu te upoznao prisutne o stupnju usaglašenosti. On je takođe ponovio postojanje problema vezano za status plansko-programskih dokumenata Agencije i naglasio da Plan ponovo nije uvršten na dnevni red sjednice Vijeća ministara BiH bez obrazloženja kao i do sada.

Na Plan rada Agencije za statistiku BiH za 2019.godinu dostavljeni su komentari entitetskih zavoda. Od neusaglašenih ostali su komentari RZs-a vezano za način dostavljanja baze podataka za IKT i SILC anketu. Prisutni su diskutovali te je gđa Đokić navela primjer ankete gazdinstva gdje su dostavljali elektronski očišćenu bazu podataka. Po njenom mišljenju jedini ispravan način dostavljanja je elektronski očišćena baza podataka.

Takođe je navela da Agencija vjerovatno nema kapacitet za obradu sirove baze podataka i da je navedeni način dostavljanja puno efikasniji.

Gosp.Fatić je istakao da Agencija ima kapacitet, može i treba imati "sirovu" bazu podataka, a sve dodatne kontrole i editovanja nisu sporne i mogu se raditi.

Gosp. Jukić je naveo kako Plan treba uskladiti sa jedinstvenom metodologijom i da je to jedini ispravan način rad.

Gosp. Hadžiomerađić je takođe imao nekoliko komentara vezano za sadržaj Plana.

Pored navedenih komentara gđa Vujeva je takođe dostavila svoje komentare na Plan.

Nakon diskusije prisutni su se složili da se Plan rada Agencije za statistiku BiH za 2019. godinu usaglasa sa komentarima u mjeri u kojoj je to moguće, te ponovo dostavi na izjašnjavanje. Vijeće za statistiku BiH bi se o novom prijedlogu Plana trebalo izjasniti najkasnije do 31.12.2018. godine, a ukoliko se ne steknu uslovi za sazivanje redovne sjednice, članovi će se izjasniti putem dopisne sjednice.

**Ad 3.** Vezano za aktivnosti na pripremi okvira uzorka za statistička istraživanja, gđa Samardžić je ukratko upozнала prisutne o trenutnom stanju. Gđa Samardžić je navela da u koliko sve pripreme budu tekle po planu terenski rad se očekuje do početka marta.

Izabrana firma će raditi u skladu sa izrađenom metodologijom.

**Ad 4.** Gosp. Jukić je upoznao prisutne o aktivnostima u vezi popisa poljoprivrede BiH. Naveo je da u posljednje vrijeme nisu poduzete konkretne aktivnosti. Oko informacije koja je upućena Vijeću ministara BiH bilo je komentara koji su se odnosili na sadržaj kao preopširan. On smatra da je ovakva informacija jako dobra i da smatra da je jedino moguće rješenje.

Gđa Đokić je navela da je Eurostat izdao novu regulative koju je potrebno proučiti i kako smatra da treba početi hitno sa radom na metodologiji.

Gosp. Fatić je rekao da smatra da je Informacija konkretna, sveobuhvatna te da je zakonski okvir gorući problem te bez rješavanja istog nema napretka i svaki pokušaj zaobilaznja i stavljanja po strani ovog pitanja je gubljenje vremena.

Gosp. Popić je naveo kako smatra da Informacija koja je upućena Vijeću ministara BiH nije dobra te da se treba korigovati i dopuniti prije ponovnog slanja Vijeću ministara BiH.

Prisutni su se složili da treba polazni tekst Informacije za Vijeće ministara BiH poslati entitetskim zavodima, kako bi se ista dopunila sa prijedlogom novih mjera i realnog stanja a u svjetlu nove regulative Eurostata.

**Ad 5.** Gđa Samardžić je ukratko informisala prisutne o stanju i implementaciji međunarodnih projekata. Navela je kako svi projekti idu svojim tokom, a EU SILC vezano za pripremu okvira uzorka će biti pomjeren za 2019. godinu.

**Ad 6.** Svi prisutni na sjednici, uz izuzetak gđe Đokić, su se složili da se zahtjev koji je stigao mailom od strane Fedrelanog zavoda za statistiku, a koji se odnosi na očitovanje o tome koje su mjere od strane Agencije za statistiku BiH poduzete u cilju implementacije odluke Visokog predstavnika iz 2002. godine o Zakonu o statistici Bosne i Hercegovine, dopuni sa pratećim pojašnjenjem i dostavi za narednu sjednicu Vijeća redovnim putem radi razmatranja navedenog prijedloga i donošenja odgovarajućih zaključaka po ovom pitanju.

Odlučeno je da se za sljedeću sjednicu Vijeća pripremi informacija za predloženu tačku dnevnog reda kao i za pitanje sukoba interesa unutar Vijeća za statistiku BiH koje je navedeno u posljednjem mailu od strane FZS, a sa kojim Vijeće za statistiku BiH nije upoznato i nema nikakve podatke o istom.

Sjednica je završena u 14:30 sati.


Zapisnik sastavila:

Sekretar Vijeća za statistiku BiH

Anida Fazlić-Hadžić



Predsjedavajući Vijeća za statistiku BiH



Sahrudin Sarajčić